

LA PUNT



Infuormaziuns da la corporaziun evangelica Ardez - Ftan - Guarda



FAVRER, MARZ, AVRIGL 2026



Collecta annuala: Chasa d'orfens «*Baan Doi*» a Tailanda



Illa cità da Mae Sai, i'l nord da Tailanda, as rechatta la chasa d'orfens *Baan Doi* cha'l consistori ha tschernü sco nouv projet pella collecta annuala 2026. La chasa d'orfens, es gnüda fundada dal 2009 da l'Engadinaisa Graziella Ramponi Najai insembel cun Barbara Meisl da l'Austria e lur magistra da tailandais Saowaluk Janwong. In quista chasa abitan ruduond 40 uffants.

Uffants chi vivan in circumstanzas precaras ed in gronda povertà chattan ün dachasa ed üna gronda famiglia. Il projet *Baan Doi* sustegna eir a blers uffants e famiglias da la provinza da Chiang Rai in differents möds per cha'ls uffants possan avair access a scolaziun, chüra medicinala ed ün avegnir cun perspectives.

Il consistori e la pravenda ingrazchan a tuots e tuottas chi sustegnan il projet *Baan Doi* tras la collecta annuala da nossa corporaziun. Infuormaziuns detagliadas as chattan suot

<https://baandoi.org/>.





Di da schoppa ecumenic

dumengia, ils 22 da marz 2026 a las 11.10 illa baselgia d'Ardez



Il cult divin ecumenic cun rav. Marianne Strub e rav. Mathew Charthakuzhiyil sta in connex culla campagna ecumenica annuala da «HEKS» e «Fastenaktion» cul tema **«Semnar l'avegnir»**. La garanzia ed il dret sün l'access da semenza locala sta i'l center da la campagna - perche chi chi ha semenza po semnar l'avegnir. Davo il cult divin sun tuots invidats sün üna schoppa cumünaivel in chasa da scoula ad Ardez.

Confirmaziun, dumengia da las palmas, ils 29 da marz 2026

Ils cults divins festivs han lö a las 08.30 illa baselgia da Ftan, a las 09.45 illa baselgia d'Ardez ed a las 11.10 illa baselgia da Guarda

Dumengia da las Palmas es il di per la festa da confirmaziun, la conferma dal battaisem. A tuot las confirmandas e tuot ils confirmands giavüschaina curaschi, furtüna e la la benedicziun da Dieu sün lur via da la vita.

Quist on vegnan confirmats/confrimadas:

Ftan

🕊 Mia Carpanetti
🕊 Milena Stuppan
🕊 Silvan Vonlanthen

Ardez

🕊 Janina Hässig
🕊 Melia Huder
🕊 Nicolin Strimer

Guarda

🕊 Kim Bonorand
🕊 Laurin Häfner
🕊 Leandro Monteiro
Santos
🕊 Talin Padrun



Bunura da Pasqua

dumengia ils 5 d'avrigl 2026 a las 06.00!



La bunura da Pasqua tradiziunala, chi'ns maina **“dal s-chür aint il cler”** celebra in quist on a **Guarda**. Il cult divin in baselgia sco eir suot tschêl avert cumainza la **bunura a las 6.00**.

Davo sun tuots e tuottas cordialmaing invidà a la culazchun da Pasqua in chasa da scoula.





Occurrenzhas da noss progets

Il Sainin

Als venderdis dals 13 favrer, 20 marz e 24 avrigl 2026, da las 9.30 a las 11.00

ha lö il Sainin illa sala cumünala ad Ardez. Tuot ils uffants tanter 0 e 5 ons, accompagnats dad ün creschü, sun cordialmaing invidats da gnir a tadlar üna istorgia da la Bibla, da chantar, da giovar e da star da cumpagnia.

Per ulteriuras infuormaziuns as poja contactar a rav. Marianne Strub, 081 862 23 61



Maisas da giantar per tuots e tuottas dad Ardez e Guarda

Las proschas maisas da giantar han lö i'l hotel Alveter ad Ardez:



∞ ***mardi, ils 3 da favrer***

∞ ***mardi, ils 3 da marz***

∞ ***mardi, ils 7 d'avrigl***

Annunzchas, fin il plü tard il di avant, piglia incunter Erna Fontana, 081 862 23 50.

Per giasts da Guarda vegn organisà il transport.

In aigna chausa

Davo 31 ons va la caluostra da la baselgia d'Ardez in pensiun



Vairamaing ha Monica Tönett surtut la plaiv da caluostra ad Ardez be ad interim, fin cha'l consistori chatta inchün nouv. A la fin es ella restada 31 ons la bun'orma da la baselgia d'Ardez. Monica ha adüna guardà, preparà ed organisà tuot cun corp ed orma, per cha la glieud chi vegn in baselgia as chatta bain - saja quai per battaisems, per cults divins o eir per funarals.

In dumengia, ils 11 schner 2026 ha cumanzà per Monica eir la pensiun sco caluostra. Il consistori e la rav. Marianne Strub dischan: *"Grazcha fich chara Monica per tuot tia lavur prestada d'uront quists 31 ons!"*

In tschercha dad ün'occupaziun speciala?

La corporaziun Ardez-Ftan-Guarda tschercha per subit ün caluoster/üna caluostra per la baselgia **d'Ardez**. Id es eir pussibel da far quista lavur in fuorma da "jobsharing" - dimena partir sü ella sün 2 persunas – ed i's vegn remunerà tenor la glista da pajas da la baselgia chantunala.

Chi chi ha interess es fich bainvis/bainvissa ed as po gugent annunzchar pro'l president Not Armon Willy, 079 682 44 58.





Radunanza generala 2026 a GUARDA



La radunanza generala 2026 da la corporaziun evangelica Ardez-Ftan-Guarda ha lö in **marcurdi, ils 29 d'avrigl a las 20.00, illa chasa da scoula Guarda.**


L'invid e las tractandas vegnan publicadas a temp ütil.

Concert classic illa baselgia da Ftan

marcurdi, ils 18 da favrer 2026 a las 20.00

Concert classic da la «Winter Fiddle School» cun Harald Haugaard, Helene Blum, Kirstine Peterson, Helen Maier, Sebastian Bloch und Kevin Henderson.

Detagls verer süls placats.



Concert annual dal cor masdà da Ftan illa baselgia da Sent

Sonda, 18 avrigl 2026 a las 20.00, illa baselgia San Lurench a Sent



Il cor masdà da Ftan, insembel cul pianist ed organist *Pasquale Bonfitto*, preschainta seis program annual quist on extra muros, illa baselgia San Lurench a Sent. I spetta a l'auditur ün concert da cor plain cuntrasts musicals.

Casualias in noss cumüns

Battaisems:

Lio Filli, 30.11.2025, Ftan

Nozzas:

Ingünas

Mortoris:

Armon à Porta-Rauch, 17.10.2025, Ftan

Not Duri Franziscus, 17.11.2025, Cuaira

Martina Bickel-Barth, 03.01.2026, Guarda



Adressas:

Pravenda

Dna. rav. Marianne Strub,
Chasa da pravenda,
7546 Ardez, 081 862 23 61
marianne.strub@gr-ref.ch

Secretariat

Corporaziun evangelica Ardez-Ftan-Guarda
Secretariat, Arfusch 166,
7546 Ardez, 081 860 34 10
secretariat.pravenda@bluewin.ch

www.ardez-reformiert.ch/rm

